

## SAOPŠTENJE ZA MEDIJE

### **„Čiji su izborni glasovi?“ pitanje je koje muči unutarstranačku demokratiju** *Okrugli stol o unutarstranačkoj demokratiji održan u Sarajevu*

Okrugli stol na temu izbornih reformi, održan je danas na Fakultetu političkih nauka u Sarajevu uz učešće predstavnika akademske zajednice i predstavnika velikog broja političkih stranaka čiji su predstavnici zastupnici u Parlamentarnoj skupštini Bosne i Hercegovine.

Različite stavove o personaliziranom pristupu unutarstranačkoj demokraciji iznijeli su, tokom dvosatne diskusije, parlamentarci i stranački predstavnici koji su učestvovali u radu okruglog stola organizovanog u okviru znanstvenoistraživačkog projekta „**Balkanska komparativna studija izbora: utjecaj personalnog glasanja na unutarstranačku demokraciju**“, a koji se sprovodi u **Bosni i Hercegovini, Srbiji, Crnoj Gori i Kosovu**.

„Kada govorimo o humanoj politologiji meni se čini da ni kao građani, a ni kao istraživači nismo sposobni misliti izvan postojećeg stanja“, pa su posebno važni događaji koji omogućavaju interakciju ljudi iz prakse s jedne strane, i ljudi iz nauke s druge strane da razmijene ključne stavove o nedostacima izbornog sistema i prijedlozima za njegovo poboljšanje“, istakla je tokom pozdravnog obraćanja prof dr Nermina Mujagić, članica bh. projektnog tima.

„Istraživački tim sa Fakulteta političkih nauka u Sarajevu, proučavajući ključnu projektanu temu o stanju unutarstranačke demokracije u Bosni i Hercegovini ustvrdio je da postoji visoka korelacija između toga fenomena i primjenjenog izbornog sistema. To je ponukalo istraživače da daju doprinos potrebnom razvoju unutarstranačke demokracije kroz preporuke za intervencije u izborni sistem BiH što bi trebalo voditi njegovoj temeljitoj reformi“, istaknuo je u uvodnom obraćanju prof dr Suad Arnautović, vođa bh. projektnog tima.

Učesnici iz stranaka SDA, SDP, DF, SDS i SBiH su razmjenili ideje o strukturi glasačkog listića i formulama za preračunavanje glasova u mandate. Bilo je mnoštvo prijedloga, od donošenja novog izbornog zakona, do strukturnih promjena postojećeg poput potpune liberalizacija nominiranja kandidata, ukidanja kompenzacijskih mandata, donošenje novih normi o registraciji i finansiranju političkih stranaka. Primjetno je da su predstavnici političkih stranaka svjesni zloupotreba koje se javljaju



Schweizerische Eidgenossenschaft  
Confédération suisse  
Confederazione Svizzera  
Confederaziun svizra

Swiss Agency for Development  
and Cooperation SDC



prilikom izbora i da su iskazali spremnost da učestvuju u ovakvim projektima radi budućnosti demokratskog procesa u zemlji.

*Regionalni projekat „Balkanska komparativna studija izbora - Utjecaj personalnog glasanja na unutarstranačku demokratiju“ realiziraju eksperti i istraživači iz BiH u saradnji sa Centrom za monitoring i istraživanje CeMI iz Podgorice, Fakultetom političkih nauka u Beogradu i kosovskim think-tankom KIPRED. Projekat se realizira u okviru Regionalnog istraživačkog programa za Zapadni Balkan „Regional Research Promotion Programme“ – RRPP, finansiranog od Švajcarske Agencije za razvoj i saradnju, a koji provodi Univerzitet u Friburgu. Istraživački tim iz Bosne i Hercegovine čine: prof. dr. Suad Arnautović, prof. dr. Nermina Mujagić, doc. dr. Damir Kapidžić, mr. sc. Amer Osmić i Elma Huruz, MA.*

*RRPP promoviše istraživanja u oblasti društvenih nauka na Zapadnom Balkanu (Albanija, Bosna i Hercegovina, Kosovo, Makedonija, Crna Gora i Srbija). Istraživanja u oblasti društvenih nauka pomažu u razumijevanju specifičnih reformskih potreba zemalja regiona i dugoročnih posljedica različitih javnih politika. Istraživači dobijaju podršku kroz finansiranje istraživanja, metodološke i tematske treninge, kao i kroz otvaranje mogućnosti kroz regionalnu i međunarodnu razmjenu i umrežavanje. RRPP programom koordinira i upravlja Institut za Centralnu i Istočnu Evropu (ICEE) Univerziteta u Friburgu (Švajcarska). Program u potpunosti finansira Švicarska agencija za razvoj i saradnju (SDC), Federalno odjeljenje za spoljnu politiku.*

Policy paper koji je pripremio prof dr Suad Arnautović kao i rezultate istraživanja koje smo u okviru ovog projekta do sada proveli možete pronaći na linku: <http://www.balkanelectoralstudies.org/>